

CICIKOANBADIEGU

BULICINA FASO

Ti baa dógú pò, li yaa dani kúuma, ti baa paadí

GUFENEMA MASOAGINDO

BÀALÓ KOANBÁLA TÁÁNLI
JAGA DOAGIDIMA

(PP-G N°004-2026)

Pengidiwende Silibeedi WEDIRAWOGO

Wagidugu, li binli 2026 cilie dana 05

Báalo Koanbála táánli den kali Wagidugu
nani ban maani ki tiedi mààma dana lele kúli,
li binli 2026, cilie dana 05, alaamuda daali
ki cili leerì 9 yogunu ki ban gbeni leerì 14 leni miniti 24,
Kapitenni Ibirayimi TARAWARE, yua n tie ti Diema Yudanciamo
leni a Koanbála Táánli Liigiyua n den gobidi laa táánli.

A Koanbála Táánli den noanli li daali máyùla nni
ki tàà a jaga, ki puni i làabáali,
ki dini bi niba a bála li tuonli pò,
ki puni u sanu bi niba n gedi dietoama nni ti diema yèli pò.

I. A JAGA

I.1. KU CICIKOANBADIEGU KANI

A Koanbálaa Táanli táa **tiwaankayenli** ke li tuugi leni **ban bogini yaa masienkàama tila taa (03)**.

Lani n tie :

- **yaa masienkàama tili** n waani ke bi baa guani ki pàndí yaa niba n ye yaa cagili n die Bàaló tuonsoankaana leni o tiadi daama tuona boginma Gobidikaaba (ARIKOPI) nni báli ;
- **yaa masienkàama tili** n waani ke bi baa dini li báli bi niba ban tua yaa cagili n die Bàaló tuonsoankaana leni o tiadi daama tuona boginma Gobidikaaba;
- **yaa masienkàama tili** n waani ke bi baa dini li báli niyendo wan tua yaa cagili n die Bàaló tuonsoankaana leni o tiadi daama tuona boginma gobidikaaba Liiga yua.

Laa bála dinma bua ki teni Bàaló tuonsoankaana leni o tiadi daama tuona n yáa tuuni ke galima bà kuli ki ye, ke li bonla kuli mo go yegi leni mi diema liiga yaaba nunlema a tuona soanma leni ti tiadi daama pò.

Laa masienkàama tili táama baa teni yaa cagili n die Bàaló tuonsoankaana leni o tiadi daama tuona boginma n suagi leni li tuona nani yaa masienkàama tili n den táa li binli 2023, cipiiga dana 05 ke mi lanba tie n°2023-1276/PRES-TRANS/PM/MDICAPME, ki waani ban baa gandi Bàaló tuonsoandiedi yaadi n die i ligi tuona leni tuontona boginma gobidikàaba màamà .

I.2. YAA KOANBADIEGU N DIE BU TOABU LENI U BÁADÓGÚ GUUDIMA TUONA KANI.

A Koanbála Táanli táa **masienkàama tili yenli** ki guani ki lebidi Wagidigu dogu nni a minteela bubuudidieciangu bujjala li binli 2025 ki gedi 2026 po.

Wagidigu dogu nni a minteela bubuudidieciangu n pia yaa tuonsoanba tie bi niba kuli bujjala leni a minteela bujjala leni yaa bujjala n todi ku bujjadiegu liiga yua ti buudi jama jaga táama nni. Ti buudi jama pò binli kuli, bi yen guani ki lebidi yaa bujjala n tuuni laa bubuudidiegu kani lan teni kun da pedi ki yaa tuuni ku tuona yogunu kuli.

Laa masienkàama tili táama baa teni ban lebidi Wagidigu dogu nni a minteela bubuudidieciangu bujjala li binli 2025 ki gedi 2026 pò ke li ñoadi nani ban den ñani yaa báli máama li binli 1994, cimuu dana 24 ke mi lanba tie n°24/94/ADP, ki waani a minteela buudi pò yaa báli máama n ye, leni yaa báli máama n den tua mi pegidikaama li binli 1998, citaa dana 31 ke mi lanba tie n°007/98/AN, leni li binli 2017, cilele dana 04 ke mi lanba tie n°44-2017/AN.

Yaa bujjala n ye laa bubuudiegu nni yèla baa ña Bulicina Faso Làabáaliticianli nni.

I.3. YAA KOANBADIEGU N DIIDI BU KPAABU, MI ÑIMA, LI YANWUBILI LENI MI ÑIMA NNI BONPIAKAALA TUONA KANI

A Koanbálaa Táanli táa **masienkàama tili yenli** ki waani ke bi tuo Bulicina Faso nni bukpaabu tuonsoancagili, li yèli koabigima po ban yedi « SOFA ».

Laa masienkàama tili táama baa teni Bulicina Faso nni bukpaabu tuonsoancagili n báa yaa báli máama n dagidi li tuona soanma pò ke li yegi leni ban den ñani yaa masienkàama tili li binli 2000, cimuu dana 17 ke mi lanba tie n°2000-189/PRES/PM/MCIA, ki waani ban ñani yaa mabilikàama Bàaló tuonsoancaga pò.

I.4. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI

A Koanbálaa Táanli táa **masienkàama tili yenli** ki bogini laa koanbadiegu.

Yaa masienkàama n ye ne tie ban den guani ki pegidi yaa masienkàama li binli 2024, piiga n cilie dana 31 ke mi lanba tie n°2024-1676/PRES/PM/MATM, ki waani ti diema tinbuona gobidima leni a sancena tuona koanbadiegu n bogini màamà. Laa pegidima bua ki teni laa koanbadiegu boginma n tugini leni ban bua ki pugini yaa boncanla a tuona cenli ñamu pò ki go teni lan ñoadi nani ban den ñani yaa masienkàama tili li binli 2025, piiga n cilie dan 1 daali ke mi lanba tie n°2025-1545/PF/PRIM ki waani ti koanbadiedi boginma n gagidi ki ñua màamà.

Li boncanla yaala n tugi yùli laa masienkàama nni tie :

- ki teni ti diema tinbuona gobidima leni a sancena tuona koanbadiegu bebe n yaa die u tigandu (votinba) boginma tuona ;
- ki bolini yaa cagili n die Donsen biakafanma maama tuona goandima leni yaa cagili n die mi biakafanma nni i biakaabi leni a sancenla gobidima, ki táani laa cagilieda cagiyenli nni ban yi yaali Bulicina Faso biakafanma tuonsoancagili (SAFA) ;
- ki diani SAFA tuonsoancagili gobidima sanbila laa masienkàama tili ni;
- ki diani ti màásùàdi bogida leni ti dankpeliba bála dinma sanbila laa masienkàama tili nni;
- ki teni a táana, i badi leni bi canba gáama tuona boginma n tua tuoncagili.

Laa masienkàama tili táama báa teni ti diema tinbuona gobidima leni a sancena tuona koanbadiegu n báa boginpanma ku tuona cenli ñamu pò.

I.5. YAA KOANBADIEGU N DIE U LOAGU LENI I LIGI KUBIMA TUONA KANI

A Koanbálaa Táanli táa **tiwaankaana lele (07)**.

Li tiwaankakpiali tuugi leni BIOTIKI ENDISITIRI SA n baa guani ki tua Bàaló tuonsoancagili.

BIOTIKI ENDISITIRI SA tuonsoancagili tie yaali n ye Lewo dogu nni ki tagi mi kpañanma. Li binli 2020 leni 2021 pò, laa tuonsoancagili den báa ke Bulicina Faso loagi findima leni bi niba yema ñamu pò ligicagili (FEBEDES) todi li leni i ligi yaala n pundi K 500 000 000 Seffa ligi nni. Laa ligi nni, li panli den tie K 400 000 000 ke K 100 000 000 mo tie yaa niba n pia ban die yaala li tuonsoancagili nni n táani ki ñani yaa ligi.

Ama bàá leni FEBEDES tuonsoancagili n tuo ki juuni ke li waagi màamà, BIOTIKI ENDISITIRI SA tuonsoancagili naa fidi ki guani ki pàna lin den ledi yaa ligi hali leni dinla. Li binli 2025, piiga n cilie dana 31 li pànli ligi táanma tie K 332 030 857, 6 Sefaa ligi nni.

Laa bonla doagidi BIOTIKI ENDISITIRI SA tuonsoancagili n tieni yaa tudima ke li tie pàkili FEBEDES tuonsoancagili pò.

Bàaló n báa ki diedi canyi laa tuonsoancagili piama baa teni BIOTIKI ENDISITIRI SA tuonsoancagili n pia yaa panli FEBEDES tuonsoancagili pò n lebidi ki tua Bàaló n pugini yaa ligi BIOTIKI ENDISITIRI SA tuonsoancagili ligiyùli nni. Yeni, li baa todi ban guani ki bogini ki fiini laa tuonsoancagili tuona.

Laa tiwaankaali tuoma baa teni Bàaló n báa ki diedi canyi BIOTIKI ENDISITIRI SA tuonsoancagili piama, ki go teni lin tua Bàaló n ji yeni yaa tuonsoancagili.

Li tiwaankalieli tuugi leni **ban bogini yaa masienkàama tili** ki teni ke Gawa nni iniverisité cógú cagili lebidi ki tua iniverisité cogidieli ki go báa laa iniverisité pò li yèli.

Hali Gawa dogu nni iniversite cógú cagili n luodi li pundi bina nii (08). A cogibigbenga leni u cógú bangima caga coalo pugini. Yeni, ki cili li binli 2017 ki ban tuoni li binli 2025, a cogibila, yaaba n den tie 165 coalo pugini ki ji tie moala 1 166, u cógú canbaanba moko yaaba n den tie 02 coalo pugini ki ji tie moala 37.

Moko, ne leni li binli 2028, Gawa dogu nni iniverisité cógú cagili sugini ki gáa cogibila 2100, yaaba n báa BAKI sieditili gi go táa iniverisité cógú canbaanba 44 binli kuli. Laa puginma doagidi ke Gawa iniverisie cógú cagili yeni yabidi màamà ke li pundi lin ji diedi li yùli.

Ki teni Gawa dogu nni iniverisité cógú cagili n lebidi ki tua Iniverisite cogidieli, li yegi leni moala na ti diema liiga yaaba n báa yaa nunlema u cógú pò, ki tuugi leni mi diema Yudanciamo yantiajagili u cógú ŋamu pò (IPEKI) sanbila.

Laa lebidima n baa todi yaala li tianli nne :

- u cógú bangima caga luodipuginma kelima a cogila miadi yogunu kuli;
- iniverisité gobidima ŋamu puginma;
- Gufenema n sugini yaala u cógú bangima caga pò , mi tuonsoanbanma leni u cógú moanu puginma pò tienma.

Laa masienkàama tili táama baa teni Gawa dogu nni iniverité cógú cagili n lebidi ki tua Iniverisite cogidieli, ki yaa yi « **Iniversité SIBI Sié Fositen** » (**I2SF**), nani yaa masienkàama tili n den ñani li binli 2014, cilele dana 24 ke mi lanba tie n°2014-612/PRES/PM/ME n bili màamà mi bancanma, ti màásùàdi, bi niba gobidima leni mi tagima sanbila bandima cogidiegbenga pò.

Li tiwaankataali tuugi leni **ban bogini yaa báli máama** ki waani ban ñani yaa mabilikaama tili yaa caga n die a yùla ki pia u paalú ki yaa diidi ti tuonsoandiedi gobidima ñamu pò.

Mi diema báli máama tánpuuli bani yaa caga n die a yùla po, ki pia u paalú ki yaa diidi ti tuonsoandiedi gobidima ñamu Bulicina Faso nni. Bi den cilini laa caga ñan fidi ki yaa pegidi ti tuonsoandiedi leni bi tuonsoanba li báli máama ñoadima nni, ki diidi Bàaló tuonsoandiedi nni a tuona leni bi tuonsoanba n pia yaa sanu bi yùcela diedima pò yaa yegi leni li báli màamà.

Ama, yaa caga n die a yùla ki pia u paalú ki yaa diidi ti tuonsoandiedi gobidima ñamu naa pia yaa báli máama n bogini yenma ki gobidi a tuona sanbila.

Ban bogini yaa masienkàama tili nne baa teni yaa caga n die a yùla, ki pia u paalú ki yaa diidi ti tuonsoandiedi gobidima ñamu n baa yaa báli máama n bogini yenma ki baa yaa gobidi a tuona sanbila, ki naa wadi a yùceli diedima leni a paalú. Mi naa masienkàama baa go teni ban baa ki pegidi yaala n den tie poadi kuli yaa caga n die a yùla, ki pia u paalú ki yaa diidi ti tuonsoandiedi gobidima ñamu (AAYI) tuona nni, ki teni laa caga tuona báli máama n yaa tuugi leni moala ne Bulicina Faso nni yaa nunlema n ye politiki pò, bi niba yema gobidima pò leni li báali lingima pò.

A Koanbálaa Táanli tuo ke yaa báli máama n bogini ne n pundi Depiteenba tuonsoandiegu kani.

Li tiwaankanaali tuugi leni **ban bogini yaa masienkàama tili** ki waani Bàalo tuonsoandiedi nni a tuona soanma pò n pia yaa panpani ligi n baa yaa páa màamà leni yin baa yaa boagidi màamà ti tuonsoandiedi nni.

Li pundi bina bà ke yaa koanbadiegu n die u loagu leni i ligi kubima tuona tie ania ki bua ki pugini ti tuonsoandiedi n kuandi yaa ligi Bàaló ligikpagu nni mi findima tuona ligi báama puginma pò. Li yaapo, bi ñandi yogunu kuli li báli

máama tila yaala n tie ki cilini i ligi páma bi ki guani ki lebidi i ligi n bi páa màamà a tuontiamà soanma pò. Ama leni lani kuli, bi sua ke li báli máama tila puginma naa teni ke i ligi pugidi yogunu kuli nani ban sugini màamà Bàaló ligikpagu nni.

Laa bonla tie ke bi yen boagidi ban gáani yaa ligi a tuona soanma pò ki bili Bàaló ligikpagu nni, ti koanbadiedi leni ti tuonsoandiedi nni. Bàá ke li tie yaa tuada n baa todi ti tuonsoandiedi n yaa báadi i ligi a tuona soanma pò, li naa yegi leni Bàaló tuona boginma ligiyùli pò ban bili yàa báli máama, lani n tie ke bi kan wadi i ligikwake ki kuani i liñake nni.

Yaa masienkàama tili n tie ne bua ki teni ban yaa kuandi ban báadi yaa ligi kuli a tuona soanma pò Bàaló tuona boginma liyùli nni nani li báli màama n bili màamà, ki go doagidi yaa bancanli n ye yaaba n kan ñoadi laa sanbili pò.

Li boncanla yaala n tugi yùli laa masienkàama tili nni tie bonli lie :

- ki ñuadi nani i ligi báli máama n bili màamà, ki teni a tuona soanma pò ban gáani yaa ligi n yaa bilidi Bàaló ligikpagu nni bebe, ke laa go pia ki boagidi laa ligi ti tuonsoandiedi nni;
- ki bogini canyi i ligikwake boagidima sanbila màamà ke ti tuonsoandiedi bancana ligi nni, 90% n tua yaa ligi n kua Bàaló ligikpagu nni , 10% mo n tua tikoanbadiedi leni ti tuonsoandiedi n baa diedi yaa ligi.

Laa masienkàama tili táama báa teni ti tuonsoandiedi nni yaa ligi n koa a tuona soanma panpani pò n pugini Bàaló ligikpagu ligi.

Li tiwaankamuuli tuugi leni Bàaló n báa yaa tinfanma Wagidigu dogu nni.

Yaa tinfanma n ye Wagidigu, li ñianli 4, ki meeribiga (arondisema) 01 nni fanma tie m² 33 009 ke mi dunga mo tie **K 2 000 000 000 Seefa ligi nni**. Laa tinfanma báama baa todi ban maa ki pugini Bàaló diegbenga.

A Koanbálaa Táanli tuo Bàaló n báa laa tinfanma.

Li tiwaankaluobili tuugi leni **ban bogini yaa masienkàama tili** ki waani ke Bàaló baa diedi ki soani tonma bi niba yema ḡamu tuona yaa tinfanma lanba n tie 842 leni 843, ki táani ki tie m² 533 832, ki ye wagadigu dogu, waga 2000 ñianli, ki meeribiga (arondisema) 12 nni.

Li binli 2015, yaa tuonsoanjaali n ḡanbidi mi diema dociami nni a diemaakaana tinfanma (SONATIRI) gobidima cagili den puni u sanu yua gobidi Esiperansi kakula cagili n páa metidi kaare kuli pò kuyenga lan tua mààlima ki diedi laa fanma. Bàá ke mi tinfanma daano mali ki páni la fanma ligi, o nan daa fidi ki maa libà mi niinni.

Yaa masienkàama tili n tie ne táama baa teni Bàaló n gáa yaa tinfanma lanba n tie 842 leni 843, ke li fanma táanma tie m² 533 832, ki ye wagadigu dogu, waga 2000 ñianli, ki meeribiga (arondisema) 12 nni, bi niba yema ḡamu tuona ya n bua tonma soanma pò.

Li tiwaankaleleeli tuugi leni **ban bogini yaa masienkàama tili** ki waani ke bi guani ki puni u sanu yaaba n bua n kuani bi piama BAGIREPOLI SENMI leni SURUPOLI SENMI tuonsoanjaana liyùli nni.

Li pundi bina piiga ke bukpaabu tuonsoanjaana tuuni. Ama hali leni dinla boncianla báà ki tie poadi laa tuonsoanjaana nni. Laa bonla teni ke an todi yaala ki dagidi li jeeguoli leni li báali pò a dojaana nni leni mi diema kuli nni. Laa pàka tie ke :

- boncelidanba ki puni bi yùla boncianla a tuona ligi ñanma pò ;
- baa fidi ki ḡanbidi mu tinkokaamu tonma, ban ḡanbi yaa fanma mo baa fidi ki kò mi kuli;
- baa fidi ki kuadi ku kpaangu ḡama, ki naa go fidi ki lebidi ḡama ban ko ki báadi yaala ki tagi bonjekaatoala;

- baa fidi ki bogini ki gbeni mu tinmu diedima tila ke lipo teni ke mi tinmáama bàá ki ye.

Bu kpaabu tuonsoanjaana naa teni ke li báali leni li jeeguoli dagidi bi niba pò, ki sua Gufenema mo sugini ke laa tuonsoanjaana n tua li jeeguoli leni li báali ñiali. Lanwani, li tie tilade ban le ban baa guani ki bogini laa tuonsoanjaana tuona màamà, ki teni yaa báli máama n pegidi laa tuonsoanjaana n yaa yegi leni Gufenema suginma li báali leni li jeeguoli sanbila nni.

Mine masienkàama bua ki guani ki bogini bu kpaabu tuonsoanjaana, ki teni an tua li báali leni mi findima ñiali nani Bàaló n sugini màamà.

Li boncanla yaala n tugi yùli laa masienkàama nni tie :

- ki teni bu kpaabu tuonsoanjaana nni mi lebidima sanbila gobidima n yaa ñani ;
- ki bogini i ligi, bi tuonsoanba leni ti tuonsoantiadi màamà ke a tuona baa fidi ki yaa cuoni ki go pia ti ñuadi bi niba pò;
- ki yaa faami a tuona boginma nni i ligi leni u yogunu lebidima n baa fidi ki cuani yaa pàka.

Laa masienkàama tili táama baa teni bonceli danba n baa ki guani ki yaa kuandi bi piamá BAGIREPOLI_SENMI leni SURUPOLI_SENMI tuonsoanjaana nni, ki go teni Bàaló bebe n yaa die laa tuonsoanjaana gobidima.

I.6. LI GUUNLI KOANBADIE KANI

A Koanbála Táanli tuo yaa tiwaankaali n tuugi leni li tili yaali n taantaani ki doagidi IRAPOLI tuonli.

Bi cilini IRAPOLI tuonjaali leni o patielo masienkàama tili n° 2020-0463/MSECU/MINEFID yaali ke bi den ñani li binli 2020 ciluoba 15 ki baa

bolini yaa pàka n ye li guunli tuonsoanba tataantuonli i làabáali lingima nni leni li tuonli nunfansanbila nni.

Laa tuonjaali báa mi pandima ki pugini. I làabáali tuonsoantiadi tienma teni ke tuoncaga muu tuona cilima tua fààlá ; laa tuoncaga tie IRAPOLI, polisi tuonjaali yaali n lingi i làabáali li bujiali po, a kpaada leni a kpaadidiena kubima, ti tondafandi diidima leni « IRAPOLI SIMARITI » yua tuuni telefonninba pò.

Ba leni lankuli, IRAPOLI naa fidi ki soani ki pundi ban guu o kani yaala ; lani n cuani mi pandima laa tuonjaali nni.

IRAPOLI tuonjaali pandima dunga baa pundi k 10 000 000 000 sefa ligi nni, lan baa taa yaa yoguunu mo tie i n̄maali 24. Li mayùli tie ki teni li guunli tuonjaana n báa i làabáali tuonsoantiadi ki yaa boagidi i làabáali a ñiàli nni ke lan pugini bi niba leni bi bonpiakàala guunli Bulicina Faso nni.

I.7. TI DIEMA NIBA TUONSOANBA KONBADIEGU KANI

A Koanbála Táanli tuo **masienkàama tili** yaali n goa ki bogini ti diema niba tuonsoanba konbadiegu.

Mi masienkàama tili n°2026-0006/PF/PRIM yaali ke bi den ñani li binli 2026 cilè 12 ki goa ki lebidi Gufenema, den cilini ti diema niba tuonsoanba konbadiegu.

Yaala n pugidi tie ke mi masienkàama tili yaali n waani a Koanbála tuonli den tieni mi lèbidima laa koanbadiegu tuona pò. Lani n teni ke li pundi ban goa ki cogi ki lebidi laa masienkàama tili yaali n den ñani li binli 2026 cilè dana 8 daali ki tuugi leni yaa koanbadiegu n diidi Bàaló saliwuudo, a tuona leni bi tuonsoanba yema n̄amu boginma.

Mine masienkàama tili bua ki táani yaa lèbidima n tieni ti diema niba tuonsoanba konbadiegu yèli leni ku tuona nni.

Yaa lebidima n tugi yùli tie:

- laa koanbadiegu tuonsoandiedi tua ti diema niba tuonsoanba konbadiegu tuonsoandiedi desiyonba nni ;
- Bàaló Saliwudo tuona bi niba pò puginma;
- Li tuonjanli leni bi niba yema guudima puginma yuakuli po.

Laa masienkàama tili táama baa teni ti diema niba tuonsoanba konbadiegu n báa ku boginma tili ki fidi ki yaa tuuni ku tuona.

I.8. TI BUUDI KOANBADIEGU KANI

A Koanbála Táanli tuo **masienkàama tili** yaali n goa ki bogini ti buudi koanbadiegu.

Mine masienkàama tili yaali ke bi den ñani li binli 2026 cilè 12 ki goa ki lebidi Gufenema, den tieni mi lebidima mi masienkàama tili nni n°2025-1545/PF/PRIM yaali ke bi den ñani li binli 2025 piiga n cilie dan 1 ki waani ti koanbadiedi n baa bogini màamà.

Yaa lebidima n tugi yùli tie :

- li bujiali tuonsoanba yaaba n gáani Bàaló máama ti buudi yogunu kuanma ti buudi koanbadiegu nni ;
- yaa tuonjaali n kubi ku ligikpagu ki todi ti buudi bolinma kelima bi táa li tuona ki teni ku diegu yema leni toriyaba Koanbáldiegu;
- desiyonba saliwuudo yua n gobidi a kpaadidiena yèli lebidima ki tua « Saliwuudi yua n gobidi a kpaadidiena ki tuugi leni li bubuudicagili yaali n baa goa ki buu bi nisaaliba kuli ntantaadi buudi».

Laa masienkàama tili táama baa teni ti buudi konbadiegu n báa ku boginma tili ki fidi ki yaa tuuni ku tuona.

I.9. ENTERINETI, A TISOANKAANA TUONSOANDIEDI LENI TANKALAFO TUONA KOANBADIEGU KANI

A Koanbála Táanli táa **masienkàama tili yenli** ki tuo Bulicina tuonsoanjaali yaali n yadi tele junjundi mabilikàama.

Bulicina tuonsoanjaali yaali n yadi tele junjundi ñama i làabáali tenma koanbadiegu nuu nni ki gedi enterineti, a tisoankaana tuonsoandiedi leni tankalafo tuona koanbadiegu nuu nni bua a tila n ñoadi leni laa lebidima. Laa tuonjaali daano lebidima bua li tuona n yegi leni enterineti tuona tuonsoantiacandi ki go teni lin báa i jiini ki pugini i làabáali tenma enterineti sanbili nni.

Laa lebidicanma baa teni a sanbicaana n luodi Bulicina tuonsoanjaali yaali n yadi tele junjundi pò, ki nan go teni i ligi n yaa koa ki pugidi li ligikpagu nni.

Mine masienkàama tili táama baa teni Bulicina tuonsoanjaali yaali n yadi tele junjundi lebidima n tugini leni laa koanbadiegu, ki cilini mi pàndima tuona ke lan todi kun báa i jiini u loagu leni i ligi sanbili nni.

I.10. MI TAGIMA TUONSOANDIEDI, U KPENDU LENI U NUU TUONSOANBANMA TUONA KOANBADIEGU KANI

A Koanbála Táanli táa **masienkàama tila lie (2)**.

Mi Masienkàama tikpiali tuugi leni yaa pegidima n tieni mi masienkàama tili nni n°2024-1630/PRES/PM/MICA/MEF/MS ki tie ban den taa yaali li binli 2024 piiga n cilie dana 23 ki cilini tuonsoanjaali n gobidi Kokologo ñoagidiena kaanu.

Li tuonsoanjaali yaali n gobidi Kokologo ñoagidiena kaanu « FASO-FARIMA » kaanma cena nni, a pàka den kali kelima Kokologo loagu findima tuonjaali den

gbali ki teni lin den bàá cuani yaa bancanli ke li tie k 50 000 000 sefa ligi. Lii go teni ki tinga tili yaali n baa kua FASO-FARIMA kaanma nni.

Bi bili u yogu Kokologo loagu findima tuonjaali pò táalima coacoala ama lii tieni libà kuli. Li yáa pò FASO-FARIMA masienkàama tili pegidima tua tiladi bonla, yeni Kokologo loagu findima tuonjaali n bi baa cuani yáa bancanli baa guani Bàaló nuu nni.

Laa masienkàama tili táama teni ke Kokologo loagu findima tuonjaali bíini kuli guani Bàaló pó.

Mi Masienkàama tilieli tuugi leni Bàaló tuonsoanjaali yenli cilima ke bi yini li « **Faso Agoropooli Tuonsoanjaali** ».

Li binli 2011 nni, Bulicina Faso den jagi ke o findima baa yegi leni mi findima jàana ke lan todi laa jàana kpedima ki teni o loagu n lèbidi ki findi. Yeni, bi den cilini Bagere Agoropooli (BAGEREPOOLI_SENMI) leni Suru Agoropooli (SURUPOOLI_SENMI) ke li tie tataantuonsoanjaana ya yaa niinni ke Bàaló biini yabi.

Li cie bina piiga leni ban cilini laa kaani bu kpaabu po, ama lan mali yaala ñuadi naa pundi Gufenema n den guu yaala ti diema jeeguoli pò. Lani n teni ke bi cilini tuonsoanjaayenli yaali n baa teni laa jàana bu kpaabu pò tuona leni a loagu n pugini.

Faso Agoropooli tuonsoanjaali baa yaa gobidi laa jàamuuda (05) bu kpaabu po lan tie Suru Agoropooli, Nakanbe Agoropooli, Samandeni Agoropooli, Komowe Agoropooli leni Lipitako-Gulima Agoropooli.

Laa masienkàama tili táama teni ke bi cilini Bàaló tuonsoanjaali Faso Agoropooli Tuonsoanjaali ke lan todi tin soani ti diema bonpiakaala bu kpaabu sanbili nni n baa mayùli li jeeguoli pò.

I.11. KU GBANANSAAGU JELITI TUONA, BI NIPANBA LENI A TUONA BAAMA KOANBADIEGU KANI

A Koanbála Táanli taa **masienkàama tila lie (2)**.

Mi Masienkàama tikpiali tuugi leni Bulicina nni li tuonli lingima tuoncagili mabilikàama tuoma.

Laa masienkàama tili táama baa teni li tuonli lingima tuoncagili n báa yáa mabilikaama n baa todi lin yaa tuuni li tuona nani mi masienkàama tili n°2014-613/PRES/PM/MEF yaali ke bi den táa li binli 2014 cilele dana 24 ki tie Bàaló tuonsoanjaana mabilikàama.

Mi Masienkàama tilieli tuugi leni ku gbanansaagu jeliti tuona, bi nipanba leni a tuona báama koanbadiegu boginma.

Ti ya ñii mi masienkàama tili n°2025-1545/PF/PRIM yaali ke bi den ñani li binli 2025 piiga n cilie dan 1 ki waani ti koanbadiedi n baa bogini màamà leni mi masienkàama tili n°2025-1545/PF/PRIM yaali ke bi den ñani li binli 2026 cilè dana 12 ki goa ki lebidi Gufenema pò, ku gbanansaagu jeliti tuona, bi nipanba leni a tuona báama koanbadiegu guaboginma tua tiladi bonla.

Yaa lèbidima n tugi yùli tie :

- desiyonba tuonsoandiedi coali wadima ki ña 26 ki jiidi 17 ;
- porovensinba tuonsoandiedi coali wadima ki ña 90 ki jiidi 47 ;
- desiyonba tuonsoandiedi yèli lèbidima ki tua desiyonba tuonsoandiedi ku gbanansaagu jeliti tuona, bi nipanba leni a tuona báama pò;
- yaa tuonjaaciamama n ye celi tuona guaboginma.

Laa masienkàama tili táama baa teni ku gbanansaagu jeliti tuona, bi nipanba leni a tuona báama koanbadiegu n báa ku boginma tili ki fidi ki yaa tuuni ku tuona.

II. I LÀABÁALITENKE

II.1. Ti diema niba tuonsoanba koanbáli puni a Koanbála Táanli yaa làabáalu n tuugi leni Bàaló saliwudo tuonsoanba siiga yaaba n báa li ligisuuli pàkili.

Li binli 2026, cilie dan 1 daali, KORAGI den doagidi ki waani bi niba ke Bàaló saliwudo tuonsoanba siiga li pia yaaba n báa li ligisuuli pàkili. Yaa niba n báa laa pàkili tie logitogbengiyeŋli, mi tinfanma tila tienma tuona gobidikayendo leni polisinba muu ke bi siiga bonbilie tie Bàaló n die yaaba, bi bontaadiba mo tie Meerinba n die yaaba.

Hali laa làabáali n ñani, tuoncagili kuli nni, mi teginma tuada gobikàaba liiga yaaba den kpaagi ki sua ke laa tuada tie yaa bonla n bia bi niba yema ŋamu gobidima nni. Li yaapo, bi den táa bi pò yaa jaga n tie ne bàa ke li fidi ban go kuani ba ti buudi cuonu nni.

Li guunli koanbadiegu kani :

- **O joa Roberi SAWADOGO**, o lanba li tuonli nni tie 240 873 E, ki tie Adisidan polisinba tuonli nni, bi ñani o li tuonli nni kelima o tieni yaa tuadigunda n baa wadi polisinba yùlolima;
- **O joa Séni SANKADE**, o lanba li tuonli nni tie 240 559, ki tie Adisidan polisinba tuonli nni, bi puni u sànú yaa cagili n gobidi mi teginma tuada o tuonli nni n kpaagi ki le ban baa táa o pò yaa jagili.

Li laafiali koanbadiegu kani :

- **O joa Jaki BOA**, o lanba li tuonli nni tie 278 480 M, ki tie ki nunga, bu ñoabu, a ñina leni u tulu yiani buuma logitogbengili, bi puni u sànú yaa cagili n gobidi mi teginma tuada o tuonli nni n kpaagi ki le ban baa táa o pò yaa jagili.

Wagidigu Meeri kani :

- **O joa Mamadu PORIGO**, o lanba li tuonli nni tie 1 104 2011 0033, ki tie polisi, bi ñani o li tuonli nni;
- **Ojoa Wendikuuni Diedonné SABA**, o lanba li tuonli nni tie 1 104 2020 0134, ki tie polisi, bi ñani o li tuonli nni;

- **O joa Abiduli Rasidi WEDIRAWOGO**, o lanba li tuonli nni tie 1 104 2021 0068, ki tie polisi, bi puni u sànú yaa cagili n gobidi mi teginma tuada o tuonli nni n kpaagi ki le ban baa táa o pò yaa jagili.

Dulugu Meeri kani, Basèga porovenso nni

- **O joa Niwubi kolodi KABIRE**, o lanba li tuonli nni tie 0201 2014 0007, ki tie mi tinfanma tila tienma tuona Gobidikoa, bi ñani o li tuonli nni.

A Koanbálaa Táanli den jaandi mi teginma tuada gobikàaba liiga yaaba leni ban jaligi ki táa yaa jaga pò ki go waani ban jaligi ki le yaaba n sieni pò ban baa táa yaa jaga hali ke u yogunu da ye.

II.2. Mi tagima tuonsoandiedi, u kpendu leni u nuu tuonsoanbanma tuona koanbáli den waani a Konbála Táanli ke Bulicina Faso den kali Sayèli dogi taanyenma cagili (AYESI) Koanbála yaaba n die mi tagima tuonsoandiedi, u kpendu leni u nuu tuonsoanbanma tuona ki pugini leni bonceli danba n den bogini yaa táanli li binli 2025, piiga n cilie ki cili o dana 13 ki yaa yaa ca hali o dana 20, Ñame dogu nni.

Laa táanli mayùli den tie « **Be lebidima n baa teni boncéli danba tuona n yaa yegi leni AYESI nunlema ?** » Laa táanli boginma den yegi leni Sayèli dogi taanyenma Masienkàama tili n bili màamà yaala n tie « mi findima sanbili nni ». Laa sanbili pò, táana lie den mali ki tieni : yenli li binli 2024, cipiiga dana 19 Bamako dogu nni, li lieli mo tieni li binli 2025, cinaa dana 10 Wagidigu dogu nni.

AYESI dogi cagili Koanbála n den kpaagi ki bandi ban mali ki soani yaa tuona nani mi masienkàama tili n bili màamà leni yaala n go bua tiladi mi findima sanbila nni, bi den báa ban táa yaa jaga. Laa jaga nni a tiama nne :

- ki suagi leni ban juogi ki sieni màamà a pipibigbenga (popobigbenga) ya yaa masina fidu n pundi sm³ 125 ki tie Aloba daama pò AYESI dogi nni yaala n tie mi miligibiadima toabu páádima pò;

- ki suagi leni a táanjuogikàana tienma Bàaló leni bonceli danba siiga Sayèli dogi táanyenma cagili nni ;
- ki teni AYESI dogi nni yaa caga n diidi ti kpenkpenditiadi kuama dogu kuli nni leni yaa caga n moa ki sieni ti kpenkpenditiadi dunga niagima yaaliyaali po taajuogu n pugini u kpendu cenli njamu pò.

Moko, u kpendu leni u nuu tuonsoanbanma tuona Koanbála go den kadi ki waani ke bi baa jaligi ki ñani li báli máama mi tagima tuonsoandiedi puginma pò, ki teni AYESI dogi niba n baa ki yáa cuoni leni bi bonpiakàala AYESI tingbanu nni, ki go luodi yaa sanbili n baa teni bi niba n yáa kuandi bi piama mi tagima tuonsoandiedi nni.

Li táanli puoli, bi den luodi mi cilima pò ki kpenkpendidaaga badu AYESI dogi nni li binli 2025, piiga n cilie dana 16 daali leni yaa mayùli n tie ne : « **Ki yaa ko, ki tagi ki go di tin tagi yaala ti yaaba lani n baa teni AYESI dogi n diedi i yùla li báali lingima nni** ».

III. BAN DINI YAABA A BÁLA

III.1. BAN DINI YAABA A BÁLA YENDI YENDO TUONA NNI

A. BULICINA FASO YUDANCIAMO BADIDIEGU KANI

- O joa Amedi Sodinoma **SANKANDE**, Minteeligbengili, bi dini o li báli ke o tua li tuonjaali Faso Mebo Liiga-yua.

B. KU CICIKOANBADIEGU KANI

Yaa cagili n die Bàaló tuonsoankaana leni o tiadi daama gobidima (ARIKOPI) pò.

Bi goa ki pandi yaa niba yaa yèla n ɲua ne bála mi taabualiema po bina táa (03) goga :

- O joa Abidala Yusefi Sahine **TARAWORE**, ku Cicikoanbadiegu kani, Bàaló Saliwudo yèli nni, bi kuani o li cagili ni ke o go tua li cagili gobidikaaba Liiga-yua.
- O joa Amedi Umari **TURE**, li dièmááli leni i dociami nni tuonsoanbanma cagili yèli nni, bonceli tuonjaana pò.
- O joa Kisiwendisida Serisi Davi **BAGEMISANRE**, mi tuonsoanbanma banda tuonsoankaanu yèli pò, bonceli tuonjaana kani.
- O pua Mariamé **WATARA**, demokarasi gobidima cagili yèli pò, bonceli tuonjaana pò.

Yaa niba yaa yèla n ɲua ne kua li cagili nni bi cici báli pò bina táa (03 :

- O joa Amedi Amidu **LONPO**, a kpenkpendiciama leni a tuona cagili yèli pò, ki tua o joa Rolan Asili SO lebidu, bonceli tuonjaana pò.

- **SABA** pua Maliyama **SIDIBE**, a tuona boginma ligiyùli làabáali leni a bangima cagili yèli pò (SIFOEBE), ki tua **MALIGUBIRI** pua Mari Eséni **KIENDEREBEWOGO** lebidu, yaa nitaanbuoli n ki ye politiki pò.

C. YAA KOANBADIEGU N DIIDI BU KPAABU, MI ÑIMA, LI YANWUBILI LENI MI ÑIMA NNI BONPIAKAALA TUONA KANI

- O joa Gawusu **SANU**, o lanba li tuonli nni tie **96 804 Z**, o tie bu kpaabu tuona Bando, bi dini o li báli ke o tua Tidianyudaano ;
- O joa Yasia **KINDO**, o lanba li tuonli nni tie **245 264 A**, o tie li kpaagibandili tuona tundikoa, bi dini o li báli ke o tua ku koanbadiegu tuonna boginma tila dianma Liiga yua duogili ;
- O joa Remi **PALE**, o lanba li tuonli nni tie **254 890 J**, bi dini o li báli ke o tua bu kpaabu leni mi findimoanma tuona cagili jaga tila dianma leni a kubima tuonli Tidianlo ;
- O joa Useyini **WEDIRAWOGO**, o lanba li tuonli nni tie **204 073 B**, o tie mi gaanilindima tuona goandikoa, bi dini o li báli ke o tua yaa tuonjaali n fáami mi gaanilindima kubiñanli sanbila Liiga-yua ;
- O joa Abidulayi **BASIE**, o lanba li tuonli nni tie **213 848 X**, o tie mi gaanilindima tuona goandikoa, bi dini o li báli ke o tua mi gaanilindima leni u yekaanu tuonsoandiegu Liiga-yua;
- O joa Suro Andiré **SANON**, o lanba li tuonli nni tie **203 299 L**, o tie i tinkundogi tuona Bando, bi dini o li báli ke o tua mi ñima, leni mi ñima nni bonpiakàala tuona Liiga-yua;
- O joa Hamidu **WEDIRAWOGO**, o lanba li tuonli nni tie **373 637 F**, o tie i tinkundogi tuona Bando, bi dini o li báli ke o tua mi ñima diedi maama tuoana Liiga-yua, mi ñima, leni mi ñima nni bonpiakàala tuonsoandieciangu kani;

- O joa Poli **KABORE**, o lanba li tuonli nni tie **216 282 B**, o tie i tinkundogi tuona Bando, bi dini o li báli ke o tua mi ñinɲanma ñinbuabuana tuona Liiga-yua, mi ñima, leni mi ñima nni bonpiakàala tuonsoandieciangu kani ;
- O joa Aruna **DOLOBISANGA**, o lanba li tuonli nni tie **228 384 Z**, o tie mi gaanilindima tuona goandikoa, bi dini o li báli ke o tua yaa jalibu n ba fidi ki pundi mi gaanilindima, ku tiigu ɲalimano leni u yogunu lebidima guunma tuona Liiga-yua mi gaanilindima leni u yekaanu tuonsoandieciangu kani;

O pua Mayimuna **YANPA**, o lanba li tuonli nni tie **228 380 H**, o tie mi gaanilindima tuona goandikoa, bi dini o li báli ke o tua, ti ñinjoagindi, ɲanbima leni i yianbonfuodi bolinma tuona Liiga-yua mi gaanilindima leni u yekaanu tuonsoandieciangu kani;

- O joa Adama **WEDAROGO**, o lanba li tuonli nni tie **248 494 X**, o tie mi gaanilindima tuona goandikoa, bi dini o li báli ke o tua i dociami nni fanma gaanilindima boginiɲanbima, mi gaanilindima leni u yekaanu tuonsoandieciangu Liiga-yua;
- O joa Samieli **TIBI**, o lanba li tuonli nni tie **331 900 L**, o tie mu tinmu buoli gagidima Bando, bi dini o li báli ke o tua Balé Porovenso nni, bu kpaabu, mi ñima, li yanwubili leni mi ñima nni bonpiakàala tuona Liiga-yua ;
- O joa Sidibewenden Gayèli **YAMEWOGO**, o lanba li tuonli nni tie **216 292 M**, o tie i tinkundogi tuona Bando, bi dini o li báli ke o tua Bankuyi Désiyon nni, bu kpaabu, mi ñima, li yanwubili leni mi ñima nni bonpiakàala tuona Liiga-yua ;
- O joa Biyonbo **KAHUNI**, o lanba li tuonli nni tie **360 771 W**, o tie bu kpaabu tuona Bando, bi dini o li báli ke o tua Kénédugu Porovenso nni, bu kpaabu, mi ñima, li yanwubili leni mi ñima nni bonpiakàala tuona Liiga-yua ;

- O joa Sidibéwenden Erinesiti **YANPA**, o lanba li tuonli nni tie **263 718 B**, o tie i tinkundogi nni enterineti tuona Bando, bi dini o li báli ke o tua Pasore Porovenso nni, bu kpaabu, mi ñima, li yanwubili leni mi ñima nni bonpiakàala tuona Liiga-yua ;

D. YAA KOANBADIEGU N DIE U LOAGU LENI I LIGI KUBIMA TUONA KANI

- **WEDIRAWOGO** pua **Rakiéta KABORE**, o lanba li tuonli nni tie **91 271 V**, o tie Bàaló ligidiedi goandikoa, bi dini o li báli ke o tua Bàaló ligi tuona goandikoa ;
- O joa Sungalo Eriki **BARO**, o lanba li tuonli nni tie **43 110 R**, o tie li lubili tuona goandikoa, bi dini o li báli ke o tua Bàaló ligi tuona goandikoa ;
- O joa Yakuba **MILOGO**, o lanba li tuonli nni tie **58 447 S**, o tie Bàaló ligidiedi goandikoa, bi dini o li báli ke o tua Bàaló ligi tuona goandikoa.

E. LI GUUNLI KOANBADIEGU KANI

- O joa Karimu **WEDIRAWOGO**, o tie Minteeligbengili, bi dini o li báli ke o tua polisinba tuona goandikoa;
- O joa Bawibié Jan Sélesiten **BENAWO**, o tie Minteeli, bi dini o li báli ke o tua polisinba tuona goandikoa ;
- O joa Sibiri **KONBOYIGO**, o tie, Minteeligbengili, bi dini o li báli ke o tua polisinba tuona goandikoa;
- O joa Adobasen **BASOROBU**, o tie Minteeligbenli, bi dini o li báli ke o tua polisinba tuona goandikoa;
- O joa Abidulayi **ILIBUDO**, o tie Minteeligbengili, bi dini o li báli ke o tua polisinba tuona goandikoa.

F. YAA KOANBADIEGU N DIE I LÀABÁALI, KU MAASUAGU, I NII TAGIMA LENI YANLUADI GOADA TUONA, GUVERINEMA MASOAGINLO KANI

- O joa Karamoko **WATARA**, o lanba li tuonli nni tie **225 032 F**, o tie Bàaló ligidiedi goandikoa, bi dini o li báli ke o tua li làabáali tili Sidiwaya ligi kubima Liiga-yua.

G. KU DIEGU YEMA LENI TORIYABA KOANBADIEGU KANI

- O joa Amédé **BAMUNI**, o lanba li tuonli nni tie **55 823 B**, o tie ku koanbadiegu tuonsoandiedi gobidikoa, bi dini o li báli ke o tua mi diema nni todiyaba leni a tadima todima ligicagili (FASINI) « Seenimen » Liiga-yua.

H. YAA KOANBADIEGU N DIE A COGIBIGBENGA CÓGÚ LENI MI BANCANMA LINGINMA TUONA KANI

- **SANÑA pua** Tani **LONPO**, o lanba li tuonli nni tie **249 859 V**, o tie mi lingima tuona Liiga-yua, bi dini o li báli ke o tua Kadiwogo Désiyon nni a cogibigbenga cógú leni mi bancanma linginma tuona Liiga-yua.

III.2. BAN DINI YAABA A BÁLA A TUONSOANJÀANA YÈLI PÒ

A Koanbála Táanli den báa ban dini yaaba a bála a tuonjaana tuona boginma pò:

- Ti diema tuonsoanjaali yaali n diidi mi ñima leni i yianbonfuodi bolinma tuona (ONEYA), yaa koanbadiegu n diidi bu kpaabu, mi ñima, li yanwubili leni mi ñima nni bonpiakàala tuona yèli nni ;
- Yaa cagili n todi a kpenkpenda ke bi fidi ki kuandi bi ki ñandi ti tiakuadikaadi mi diema nni (SEBESE), yaa koanbadiegu n die ti diema tinbuona gobidima leni a sancena tuona yèli nni;
- Ti diema nni Bàaló tuonsoanjaali yaali n tiebi bi niba tugili bi yianbuuli nni (SENAMU), mi diema niba tuonsoanba koanbadiegu yèli nni ;
- Li tuonjaali yaali n todi bi niba tontoni po bi yianbuuli nni (SAMI) li laafiali koanbadiegu yèli nni ;
- Yaa tuonsoandiegu n die mi diema nni a cogibila ticogikaana leni ti cogibitiadi máama (SENAMAFISI), a bicegidikàana cógú leni mi tuonsoanbangima koanbadiegu yèli nni ;
- Mi diema nni, mi bangima lingima leni mi tagima sani bandima tuona tuonsoandiegu (SENERESITE) leni u cógú leni mi bancanma lingima tuona todima ligicagili (FOSERI) Bângri Bawoobo, yaa koanbadiegu n die a cogibigbenga cógú leni mi bancanma linginma tuona yèli nni ;

A Koanbála Táanli go den suagi ki báa ban dini yaaba a bála ke bi tua ti diema tuonsoanjaali yaali n diidi mi ñima leni i yianbonfuodi bolinma tuona (ONEYA), yaa cagili n todi a kpenkpenda ke bi fidi ki kuandi bi ki ñandi ti tiakuadikaadi mi diema nni (SEBESE), mi diema nni, mi bangima lingima leni mi tagima sani bandima tuona tuonsoandiegu (SENERESITE) leni u cógú leni mi bancanma lingima tuona todima ligicagili (FOSERI) Bângri Bawoobo tuona boginma caga Liiga-yaaba.

**A. YAA KOANBADIEGU N DIIDI BU KPAABU, MI ÑIMA, LI
YANWUBILI LENI MI ÑIMA NNI BONPIAKAALA TUONA**

A Koanbála Táanli táa **masienkàama tila lie (02).**

Mi masienkàama tikpiali dini li báli o joa Adama **SIRI**, o lanba li tuonli nni **tie 245 333 M**, o tie a dojaana niba yema findima tuona Bando, ki tua mi diema tuonsoanjaali yaali n diidi mi ñima leni i yianbonfuodi bolinma (ONEYA) tuona boginma cagili gobidikoa Bàaló yèli pò, yaa koanbadiegu n diidi bu kpaabu, mi ñima, li yanwubili leni mi ñima nni bonpiakàala tuona kani, o cici báli pò bina táa (03), ki tua o joa Bureyima KUANDA lebidu.

Mi masienkàama tilieli dini li báli o joa Adama **SIRI**, o lanba li tuonli nni tie **245 333 M**, o tie a dojaana niba yema findima tuona Bando, ki tua mi diema tuonsoanjaali yaali n diidi mi ñima leni i yianbonfuodi bolinma (ONEYA) tuona boginma cagili Liiga-yua, o cici báli pò bina táa (03), ki tua o joa Bureyima KUANDA lebidu.

**B. YAA KOANBADIEGU N DIE TI DIEMA TINBUONA GOBIDIMA
LENI A SANCENA TUONA**

A Koanbála Táanli táa **masienkàama tila lie (02).**

Mi masienkàama tikpiali dini a bála yaa niba yaa yèla n qua ne ke bi tua yaa cagili n todi a kpenkpenda ke bi fidi ki kuandi bi ki ñandi ti tiakuadikaadi mi diema nni (SEBESE) tuona boginma cagili gobidikàaba, bi cici báli pò bina táa (03).

**YAABA N TUA A TUONA BOGINMA CAGA GOBIDIKÀABA
BÀALÓ YÈLI PÒ**

Ku Cicikoanbadiegu kani:

- O joa Bureyima **SAVADOGO**, o lanba li tuonli nni tie **111 497 N**, o tie polisinba tuona Goandikoa.

Yaa koanbadiegu n die ti diema tinbuona gobidima leni a sancena tuona kani:

- O joa Jan Vikitoriyen **TOWE**, o lanba li tuonli nni tie **130 331 T**, o tie bujialo;
- O joa Bawowendimanégiré **SUNGIRANA**, o lanba li tuonli nni tie **248 615 L**, o tie a sancena tuona Bando.

Yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona kani :

- O joa Eduari **KABORE**, o lanba li tuonli nni tie **247 184 L**, o tie u loagu tuona T undikoa.

Yaa koanbadiegu n die ti diema leni dietoama siiga ntantaadi kani:

- O joa Wendilasida Léwon Birisi **TIENDIREBEWOGO**, o lanba li tuonli nni tie **105 151 Z**, o tie diema leni mi yama tuginma tuona Tundikoa.

**YUA N TUA A TUONA BOGINMA CAGILI GOBIDI KOA BULICINA
NNI YAA KPENKPENDICAGILI N DIE BAN ÑA KI BAN KUADI
YAALA DIETOAMA NNI MÁAMA (APESESI-BULICINA) YÈLI PÒ**

- O joa Rayagedewende Simon **SEMODO**, o lanba li tuonli nni tie **90 121 A**, o tie u loagu kubima tuona Bando.

**YUA N TUA A TUONA BOGINMA CAGILI GOBIDI KOA BULICINA
SANCENTUGIDA CAGIYENLI YAALI BEBE N YE YÈLI PÒ**

- O joa Seyidu **GUO**, o tie kpendu tuona Ligikubilo.

**YUA N TUA A TUONA BOGINMA CAGILI GOBIDIKOA YAA CAGILI
N TODI A KPENKPENDA KE BI FIDI KI KUANDI BI KI ÑANDI TI
TIAKUADIKAADI MI DIEMA NNI (SEBESE) YÈLI PÒ**

- O joa Jan-kulodi **DABONE**, o lanba li tuonli nni tie **256**, o tie enterineti tuona Bando.

Mi masienkàama tilieli dini li báli o joa Jan Vikitoriyen **TOWE**, o lanba li tuonli nni tie **130 331 T**, o tie bujialo, o tua yaa cagili n todi a kpenkpenda ke bi fidi ki kuandi bi ki ñandi ti tiakuadikaadi mi diema nni (SEBESE) tuona boginma cagili Liig-yua, o cici báli pò bina táa (03).

C. TI DIEMA NIBA TUONSOANBA KOANBADIEGU KANI

A Koanbála Táanli táa **masienkàama tiyenli** ki dini yaa niba yaa yèla n nua na li báli ke bi tua ti diema nni Bàaló tuonsoanjaali yaali n tiebi bi niba tugili bi yianbuuli nni (SENAMU) tuona boginma cagili gobidikaaba, bi cici báli pò bina táa (03).

**YUA N TUA A TUONA BOGINMA CAGILI GOBIDIKOA BÀALÓ YÈLI
PÒ**

Ti diema niba tuonsoanba koanbadiegu kani :

- O joa Eriki Nagawonlé **SOME**, o lanba li tuonli nni tie **231 955 Z**, o tie iniverisité Cogibicanbaa, o tua o joa Karilé SANGO lebidu ;
- **ZOUNGRANA** pua Bankpali Songitaa Sitela Siliviani **SOME**, o lanba li tuonli nni tie **91 859 S**, o tie bi tuonsoanba sanbila Gobidikoa, o tua o joa Yanganagiré Jude WEDIRAWOGO lebidu.

**YUA N TUA A TUONA BOGINMA CAGILI GOBIDIKOA A CAGA
BUOLI TAANYENMA CAGICIAMA YÈLI PÒ**

Mi diema nni bi kpakpaaba Cagicianli kani:

- O joa Aliwu Badara **TARAWORE**, o lanba li tuonli nni tie **225 117 Z**, o tie a nicaga yema Gobidikoa, o tua o joa Musa TARAWORE lebidu.

YUA N TUA A TUONA BOGINMA CAGILI GOBIDIKOA YAA NIBA N PÁA A BANCANA KULI YÈLI PÒ

Ti diema nni Bàaló tuonsoanjaali yaali n tiebi bi niba tugili bi yianbuuli nni (SENAMU) kani:

- O joa Seenì **KUGUWINDIGA**, o lanba li tuonli nni tie **201 122 G**, o tie Bi niba gobidima tuona Tundikoa, o tua o WEDIRAWOGO pua Makani FONDIO lebidu.

D. LI LAAFIALI KOANBADIEGU KANI

A Koanbála Táanli taa **masienkàama tiyenli** ki dini li báli o joa Patendé Romiali **KAFANDO**, o lanba li tuonli nni tie **110 640 U**, o tie Logitoli, ke o tua a tuona boginma cagili Gobidikoa ti diema nni Bàaló tuonsoanjaali yaali n tiebi bi niba tugili bi yianbuuli nni (SENAMU) tuonsoanba yèli pò, o cici báli pò bina taa (03).

E. A BICEGIDIKAANA CÓGÚ LENI MI TUONSOANBANGIMA KOANBADIEGU KANI

A Koanbála Táanli taa **masienkàama tiyenli** ki dini li báli o joa Yakuba **KOROGO**, o lanba li tuonli nni tie **280 441 Z**, o tie u loagu tuona Tundikoa, ke o tua yaa tuonsoandiegu n die mi diema nni a cogibila ticogikaana leni ti cogibitiadi máama (SENAMAFISI) tuona boginma cagili Gobidikoa Bàaló yèli pò, yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona kani, o cici báli pò bina taa (03).

F. YAA KOANBADIEGU N DIE A COGIBIGBENGA CÓGÚ LENI MI BANCANMA LINGINMA TUONA

A Koanbála Táanli táa **masienkàama tila muu (05)**.

Mi masienkàama tikpiali dini li báli yaa niba yaa yèla n nua ne ke bi tua mi diema nni, mi bangima lingima leni mi tagima sani bandima tuonsoandiegu (SENERESITE) tuona boginma cagili Gobidikaaba, bi cici báli pò bina táa (03).

YAABA N TUA A TUONA BOGINMA CAGILI GOBIDIKÀABA BÀALÓ YÈLI PÒ

Yaa koanbadiegu n die a cogibigbenga cógú leni mi bancanma linginma tuona kani :

- O joa Bunjoa Alegisandiri **CONBIANO**, o lanba li tuonli nni tie **271 386 X**, o tie iniverisite Cogibicanbaa.

Mi diema niba tuonsoanba koanbadiegu kani :

- O pua Piegidewende Serimenni **TIEMITORE**, o lanba li tuonli nni tie **200 443 F**, o tie bi tuonsoanba sanbila Gobidikoa.

Yaa koanbadiegu n die u loagu leni i ligi kubima tuona kani :

- O joa Gidia di Désiré **HEBIE**, o lanba li tuonli nni tie **208 017 P**, o tie Bàaló ligidiedi Goandikoa.

Yaa koanbadiegu n die ti diema tinbuona gobidima leni a sancena tuona kani:

- O joa René **WEDIRAWOGO**, o lanba li tuonli nni tie **247 536 L**, o tie a tinbuona Gobidikoa.

**YUA N TUA A TUONA BOGINMA CAGILI GOBIDIKOA BULICINA
FASO NNI U KPENDU LENI MASINI BONTAGIKAALA
TUONSOANKAANI CAGILI YÈLI PÒ**

KOROMODO Rayisa **SUNGIRANA**, o lanba li tuonli nni tie **23 19 321 N**, o tie a coala tuona Liiga-yua.

Mi masienkàama tilieli goa ki pandi o joa Edimon **HIEN** báli, o lanba li tuonli nni tie **26 814 L**, o tie iniverisite Cogibicanbaa, o bàá ki tie mi diema nni, mi bangima lingima leni mi tagima sani bandima tuonsoandiegu (**SENERESITE**) tuona boginma cagili Gobidikoa Bàaló yèli pò, yaa koanbadiegu n die a cogibigbenga cógú leni mi bancanma linginma tuona kani, o cici báli pò bina táa (03).

Mi masienkàama titaali dini li báli o joa Edimon **HIEN**, o lanba li tuonli nni tie **26 814 L**, o tie iniverisité Cogibicanbaa, o tua mi diema nni, mi bangima lingima leni mi tagima sani bandima tuona tuonsoandiegu (**SENERESITE**) tuona boginma cagili Liiga-yua, o bájuodikaali pò bina táa (03), ki cili li binli 2025, cinii o dana 28 daali.

Mi masienkàama tinaali dini li báli yaa niba yaa yèla n nua ne ke bi tua u cógú leni mi bancanma lingima tuona todima ligicagili (**FOSERI**) Bângri Bawoobo tuona boginma cagili Gobidikaaba, bi cici báli pò bina táa (03).

**YUA N TUA A TUONA BOGINMA CAGILI GOBIDIKOA BÀALÓ YÈLI
PÒ**

Yaa koanbadiegu n die u loagu leni i ligi kubima tuona kani :

- O joa Patendé Wendinda Jan Ivi **BELEMI**, o lanba li tuonli nni tie **58 450 U**, o tie Bàaló ligidiedi Goandikoa.

Yaa koanbadiegu n die a cogibigbenga cógú leni mi bancanma linginma tuona kani :

- O joa Babu Andiré **BATIONO**, o lanba li tuonli nni tie **218 389 T**, o tie mi banma lingima tuona Liiga-yua.
- O pua Wendinkonté Silvi **SONGO**, o lanba li tuonli nni tie **231 942 C**, o tie iniverisité Cogibicanbaa.

A bicegidikàana cógú leni mi tuonsoanbangima koanbadiegu kani:

- O joa Kèraburo **PALE**, o lanba li tuonli nni tie **208 002 V**, o tie li lubili tuona Goandikoa.

Ku diegu yema leni toriyaba koanbadiegu kani :

- **RONBA** pua Salimata **KONONBO**, o lanba li tuonli nni tie **108 582 V**, o tie ku Koanbadiegu tuonsoandiedi Gobidikoa.

YUA N TUA A TUONA BOGINMA CAGILI GOBIDIKOA BULICINA FASO NNI LI BÁÁLI LINGIMA TUONJAANA CAGICIANLI YÈLI PÒ

- O joa Isa **KONPAWORE**, o tie bonceli daano yua pia a cogibigbenga cógú cogidiena.

Mi masienkàama timuuli dini li báli o joa Patendé Wendinda Jan Ivi BELEMI, o lanba li tuonli nni tie **58 450 U**, o tie Bàaló ligidiedi Goandikoa, ki tua u cógú leni mi bancanma lingima tuona todima ligicagili (FOSERI) Bângri Bawoobo tuona boginma cagili Liiga-yua, o cici báli pò bina taa (03).



www.sig.gov.bf

Gufenema Masoagindo



Pengidiwende Silibeedi WEDIRAWOGO

O baa Bàaló jaandi leni Tanjoa maalima

Tinunga 36 tinunmu 36 siiga